

## **Teks Ucapan**

**YBhg. Prof. Datuk Dr. D Kamarudin D Mudin  
Naib Canselor  
Universiti Malaysia Sabah**

**MAJLIS PELANCARAN PROGRAM TANAM POKOK  
MYTREEVOLUTION  
UNIVERSITI MALAYSIA SABAH**

13 Disember 2017 (Rabu) | 8.30 pagi  
Kawasan Arboretum, Kompleks Perhutanan,  
Fakulti Sains Dan Sumber Alam, UMS

## **Terima kasih pengerusi majlis**

### **SALUTASI**

1. Yang Berbahagia Datuk Sam Mannan  
Ketua Konservator Hutan
2. Yang Berbahagia Prof. Dr. Baba Musta  
Dekan Fakulti Sains dan Sumber Alam
3. Para tetamu jemputan, tuan-tuan, puan-puan, hadirin hadirat yang dihormati,

Setinggi-tinggi kesyukuran dipanjatkan ke hadrat Allah S.W.T. atas kesudian untuk hadir ke Program Tanam Pokok, MyTreeVolution di UMS.

Program Tanam Pokok MyTreeVolution ini merupakan pendekatan terkini dalam memupuk semangat cintai kehijauan bumi dalam kalangan masyarakat di bawah program CEO Faculty 2.0 anjuran Kementerian Pendidikan Tinggi.

Saya dimaklumkan, kolaborasi UMS bersama Jabatan Perhutanan Sabah, Agri-Biotech Marketing Sdn. Bhd., Malaysia Airport Berhad (Kota Kinabalu) dan Life Water Industries Sdn. Bhd. dapat menjayakan program Tanam Pokok ini. Program seumpama ini adalah selaras dengan hasrat universiti bagi mewujudkan kesedaran alam sekitar, pengetahuan, kemahiran dan nilai-nilai *EcoCampus* dalam kalangan masyarakat.

Hari ini, kita dapat menyaksikan 70 anak-anak kecil dari Pusat Minda Lestari UMS dapat mengetahui dan memahami dengan lebih dekat tentang penjagaan tanaman hijau ini. Semoga aktiviti tanam pokok dapat memupuk rasa cinta mereka terhadap alam sekitar.

## **Hadirin Hadirat sekalian**

Terima kasih kepada sukarelawan daripada pelajar Fakulti Sains dan Sumber Alam UMS, 20 kakitangan Malaysia Airport Berhad, Kota Kinabalu dan Pusat Kecemerlangan EcoCampus, Fakulti Sains dan Sumber Alam serta wakil CEO Faculty 2.0 dalam usaha menjayakan program ini. Di UMS sendiri, program tanam pokok kerap diadakan untuk mengekalkan amalan kelestarian hijau dan merealisasikan aspirasi EcoCampus.

Saya percaya, program seperti ini dapat mempromosi aspek kelestarian kehijauan bumi bersama warga kampus, terutama golongan belia dan pelajar. Saya juga menyeru kepada semua untuk menjaga alam sekitar, bukan sekadar menyayangi di dalam hati sahaja, malah berusaha untuk terus menggiatkan aktiviti seperti program yang kita jalankan pada hari ini.

Semoga usaha kecil yang kita lakukan pada hari ini dapat memberikan manfaat yang besar kepada generasi kita yang akan datang. Insya-Allah.

Sekian, terima kasih.